

Date – 06/04/2025

Time - 7:30 -7:40Hrs

## REGIONAL NEWS BULLETIN

### HEADLINES (MORNING)

1. Aizawl FC chuan nizan khan Namdhari FC lakah si thum faiin hnehna an chang a, I-League season thar lo awm tur an khelch chhonzawm dawn.
2. Mizoram Presbyterian Kohhran hrang hrang chuan tunkar zirtawpni khan Mizorama ‘Harhna thlen Ni’ champha an hman.
3. Association for Voluntary Blood Donation chuan nikum chhungin Mizoramah a thlawna thisen pe zaa 93.71 a nih thu an sawi.
4. Operation Brahma hnuaiia India in Myanmar-a lirnghing tuarte a tanpuina tur chu tunkar nilaini khan Assam Rifles truck hmangin Zokhawthar ah phurh thlen a ni.

<><><>

### AIZAWL FC

Nizan khan Aizawl FC chuan tun season I-League-a an khelch tawp berah Namdhari FC lakah si thum faiin hnehna an chang a, I-League season thar lo awm tur an khelch chhonzawm dawn.

Nizan inkhel boruak tang tak hnuaiiah hian Aizawl FC tan an hmatawng Lalrinzuala Hauhmar chuan goal hnih (2) a khung a, Mizo mipui beiseina ti hlawhtlingin Aizawl FC chuan an khingpuite hi si thum faiin an sawp a ni.

Aizawl FC hian season tharah I-League an khel chhonzawm leh dawn, tuna table dinhmun anga an kaltlang a nih chuan midang inkhel result ngaihchan tel ngai loin an him tih a chiang tawh a ni.

India rama Football inelna sang ber dawttu I-League atang hian Team hnih (2) chu inelna hniam lamah tla in I-League 2 atanga team hnih ti tha ten I-League khel turin an rawn inpet tling ve leh thin a, Tun Season ah Aizawl FC hi an khelch that tawk loh avangin dinhmun duhawmlah takah an ding a, an khelch hnuhnung berah chakna an chan tak avangin season leh ah an khel chhonzawm leh dawn a ni.

Aizawl FC President MLA Pu Robert Romawia Royte chuan Aizawl FC chakna chu Mizo mipui zawng zawng chakna a ni a ti a, I-League ah an awm zel theih nana mipui thlawpna an hmuh zawng zawngah lawmthu sawiin Aizawl FC chu mipuite club anih angin mipuite thlawp chhonzawm zel turin a sawm a ni.

*Aizawl Football Club hi June ni 14, 1984 atanga bultan niin The People’s Club tia hminglem vuah thin a ni a, kum 2016-2017 season khan khatih hunlaia India rama football inelna sang ber I-League champion an ni a, Mizoram Premier League ah leh inelna dangah pawh inlanin Mizo footballer tam tak a chher*

*chhuak tawh a, Football hmanga hnamdangin Mizote an hriat theih nan kawng tam takah sulsutu niin rampawna Mizote ti hmingtha tu ber a ni.*

<><><>

## REVIVAL ANNIVERSARY

Mizoram Presbyterian Kohhran hrang hrang chuan tunkar zirtawpni khan Mizorama ‘Harhna thlen Ni’ champha an hmang a, kumin hi Harhna thlen kum 119-na a ni.

Mizoram Presbyterian Kohhran chuan inkhawm tum khat atan programme siamin Thupui inang tlang "Min tiharh leh dawn lo'm ni" tih chu zir ho a ni a,

Mizorama Harhna lo thlen hmasak hun hi Synod chuan uluk taka a zirchian hnuah, kum 1982-a Synod Inkhawmpui chuan April 4, 1906 hi Zorama Harhna lo thlen hmasak ni atan a pawm a, a hman dan tur pawh SEC kutah a dah a. Kum 1984 atangin kum tin April 4 hi Harhna Thlen Ni tiin Kohhran ni pawimawha chhiar a ni ta a ni. Kum 2006 khan Harhna thlen kum 100-na Mizorama Kohhran hrang hrang ten ropui takin anlo lawm tawh bawh a ni.

*Tunkar zirtawpni April ni 4, 2025 kha Mizorama Harhna a thlen champha wawi 119-na chiah a ni a. He Ni hi Mizoram tan ni pawimawh a ni a, Zofate tan pawh ni chhinchhiah tlak tak a ni. Mizoram atanga Harna chhim leh pawchhuak tura Mairang a kalte lo haw chu, April ni 4, 1906 khan Chaltlang ah an thleng a, Tuna Bethel hmun an tih takah hian an tawngtaia, Thlarau Thianghlim hnathawh ni ngeia an hriat Mei de van atanga lo tla an hmu a. Chu chu Harhna Thlen ni atan wawiin thlenga kan hman tak hi a ni.*

<><><>

## AVBD

Association for Voluntary Blood Donation Financial year 2024-25 chhungin Mizoramah a thlawna thisen pe zaa 93.71 a nih thu sawiin, Mizoram in target a siam zaa 92 a khum a ni.

Mizoram puma thisen pek dinhmun chhinchhiahtu Blood Transfusion Service, Mizoram State AIDS Control Society (MSACS)-in an chhinchhiah danin, nikum April ni 1 atanga kumin March ni 31 thleng khan Mizorama blood centre 11-ah thisen unit 34,752 pek a ni a, chung zinga unit 32,566 chu pek bik nei loa a thlawna pek niin, voluntary donation hi 93.71% a tling a ni.

Kum 2024-25 chhung hian blood centre hrang hrangte'n blood donation camp wawi 611 an buatsaih a, chungah chuan thisen unit 22,602 pek a ni.

Association for Blood Donation (AVBD) chuan sawrkar lama hotute leh Mizoram mipuite tanrualna avangin voluntary blood donation-a target khûm theih a ni chu lawmawm an tih thu sawiin, AVBD Vice President Pu K Zothanpara chuan Good Friday lo thleng tur puala thisen pe theuh turin mipuite an sawm a ni.

<><><>

## **OPERATION BRAHMA**

**Operation Brahma hnuai India in Myanmar-a lirnghing tuarte a tanpuina tur Indian Air Force sipai thlawhna in April ni 1-a Lengpui thlawhna tumhmuna a rawn phurh thlen chu tunkar nilaini khan truck hmangin Zokhawthar ah phurh thlen a ni.**

**United State siam sipai thlawhna C-17 Globemaster Indian Air Force ta hian metric tonne 65 zeta rit mipui mamawh hrang hrang a rawn phur a, heng a rawn phurh te hi tui intur, buhfai, damdawi, mut bu te leh in enkawlina atana mamawh hrang hrang te an ni a, nilaini khan heng tanpuina tur hrang hrang hi Assam Rifles truck hmangin Zokhawthar lamah phurh thlen an ni a, heta tang hian Myanmar ramah lakchhawn leh a ni.**

**Chin State-a mipui sipai hruaitute chuan lirnghing tanpuina tur chu dodal an tum lo a ti a, an mi leh sa te an inhrilh lawk vek tawh tih sawiin tuang takin tanpui ngai te hnen thlentir an duh tih an sawi bawk.**

**Prime Minister Narendra Modi chuan Bangkok khawpuia BIMSTEC Summit ah Myanmar Senior General Min Aung Hlaing chu hmuin tunhnaiah lirnghing avanga chhiatna an tawh chu a tawrhpuia takzet thu a hrilh a, India chuan a theih angin a pui zel dawn tih sawiin ram hruaitu pahnih te hian inpawhna tur leh hmasawna tur hrang hrang an sawi dun a ni.**

*Operation Brahma tia vuah Lirnghing avanga chhiatna hrang hrang thleng leh inchhanchhuahna hna thawhna tura India sipaite hmalakna hi thla liamta March ni 29 khan bultan a ni a, he hmalakna ah hian India mithiam hrang hrang damdawi lam leh lirnghing sawhkhawk tuar te sawngbawl tura mithiam bik te chuan Myanmar rama lirnghing tuar te an enkawl dawn a, heng bakah hian India sawrkar chuan Myanmar ah hian tanpuina thahnem tak thlawhna leh lawng hmangin a thawn lut bawk a ni.*

<><><>

## **AIR NEWS ON SOCIAL MEDIA**

**Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.**

**Vawiin chawhnu dar 2 leh a chanve-ah Chanchinthar puan leh a ni ang.**

<><><>

## **LENGPUI AIRPORT FORUM**

**Lengpui Airport chu Union Home Minister Amit Shah-a'n Airports Authority of India (AAI) kuta dah a nih tur thu a sawi chu chaktaka um zui turin Lengpui Airport Forum chuan sorkar a ngen.**

**Lengpui Airport Forum hi nimin khan Aizawlah thukhawmin, an duh ang ngei a, AAI-in Lengpui Airport an la tur anga thil a awm ta chu lawmawm an ti a. Lengpui Airport chungchanga Union home minister tawngkam chu bawhzuia, state tana tha tur leh an duhdan te pawh sorkar laipua thlenna remchangah la turin sorkar an ngen a, an pawl pawhin hemi chungchangah hian Union Home Minister leh Chief Minister te hmala zui tura ngenna a thawn dawn an ti a ni.**

<><><>